

Na osnovu člana 2. stav (3) Odluke o utvrđivanju uslova, kriterija i postupka za obavljanje pripravničkog i volonterskog staža branitelja i članova njihovih porodica, ("Službene novine Tuzlanskog kantona", broj: 9/14), Sporazuma o realizaciji Programa o rasporedu sredstava za obavljanje pripravničkog i volonterskog staža branilaca i članova njihovih porodica, broj:01-34-391/2015. godine od 16.06.2015. godine i broj: 15/1-14-0011751/15 od 16.06.2015. godine, koji su zaključili Ministarstvo za boračka pitanja Tuzlanskog kantona i JU Služba za zapošljavanje Tuzlanskog kantona i IV Programa sufinansiranja obavljanja volonterskog staža boraca i članova njihovih porodica, Ministarstvo za boračka pitanja Tuzlanskog kantona objavljuje

JAVNI POZIV
za učešće u IV Programu sufinansiranja obavljanja volonterskog staža boraca i članova njihovih porodica

1. Pravo učešća

Pravo učešća u IV Programu sufinansiranja obavljanja volonterskog staža boraca i članova njihovih porodica imaju poslodavci sa područja Tuzlanskog kantona.

2. Poticajna sredstva

Finansijska sredstva za podršku sufinansiranja obavljanja volonterskog staža boraca i članova njihovih porodica, obezbjeđena su u Budžetu Tuzlanskog kantona, u iznosu 800.000,00 KM.

Ova sredstva će se usmjeriti za sufinansiranje poslodavaca, koji će zaključiti ugovore o obavljanju volonterskog staža sa osobama sa VSS, koje se nalaze na konačnoj listi kandidata Ministarstva za boračka pitanja Tuzlanskog kantona (u daljem tekstu: Ministarstvo), broj: 15/1-34-017568-KL/15 od 06.08.2015. godine, u trajanju do 12 mjeseci (na rok utvrđen u Konačnoj listi kandidata za obavljanje volonterskog staža), radi stručnog osposobljavanja za samostalan rad, bez zasnivanja radnog odnosa, kako bi stekli radno iskustvo, potrebno za rad na određenim radnim mjestima ili za polaganje stručnog ispita.

Poslodavci će se sufinansirati sa sredstvima u bruto iznosu od **356,50 KM** mjesečno, po osobi.

3. Pregled zanimanja osoba sa konačne liste kandidata Ministarstva

Naziv stručne spreme	Broj kandidata
Bachelor ekonomije	25
Bachelor historije	5
Bachelor informatike	1
Bachelor inženjer elektrotehnike	4
Bachelor poljoprivrede	2
Bachelor pedagogije - psihologije	3
Bachelor poslovne ekonomije	6
Bachelor prava	4

Bachelor razredne nastave	6
Nastavnik razredne nastave	1
Bachelor socijalne pedagogije	5
Bachelor socijalnog rada	5
Bachelor šumarstva	2
Diplomirani inženjer šumarstva	1
Bachelor tehničkog odgoja i informatike	1
Diplomirani inženjer poslovne informatike	1
Bachelor tjelesnog odgoja i sporta	3
Diplomirani medicinski tehničar/sestra	1
Diplomirani inženjer medicinske radiologije	1
Bachelor žurnalistike	5
Bachelor specijalne edukacije i rehabilitacije	1
Diplomirani ekonomista	19
Diplomirani inženjer geologije	2
Bachelor - inženjer geologije	4
Diplomirani inženjer geotehnologije	4
Diplomirani inženjer saobraćaja	1
Diplomirani inženjer tehnologije	2
Bachelor - inženjer prehrambene tehnologije	4
Diplomirani inženjer prehrambenog inženjerstva	1
Diplomirani pedagog - psiholog	2
Diplomirani politolog	1
Diplomirani pravnik	8
Pravnik	1
Diplomirani socijalni radnik	6
Bachelor - inženjer hemijske tehnologije	7
Bachelor - inženjer mašinstva	2
Bachelor inženjer saobraćaja	2
Bachelor - inženjer sigurnosti i pomoći	10
Diplomirani inženjer sigurnosti i pomoći	1
Bachelor inženjer zaštite okoline	1
Diplomirani inženjer zaštite okoline	1
Bachelor - inženjer ekologije	2

Bachelor biologije	1
Bachelor primjenjene biologije	1
Profesor bosanskog jezika i književnosti	2
Bachelor bosanskog jezika i književnosti	3
Profesor bosanskog jezika	1
Profesor engleskog jezika i književnosti	6
Bachelor engleskog jezika i književnosti	5
Bachelor njemačkog jezika i književnosti	1
Profesor turskog jezika i književnosti	2
Bachelor geografije	2
Profesor geografije	2
Profesor hemije	3
Bachelor hemije	1
Bachelor primjenjene hemije	1
Profesor historije	6
Profesor islamske teologije	1
Profesor matematike	1
Bachelor filozofije - sociologije	2
Bachelor - inženjer građevinarstva	2
Diplomirani inženjer građevinarstva	1
Bachelor sigurnosnih i mirovnih studija	1
Bachelor menadžmenta	1
Bachelor menadžmenta i rukovođenja	1
Bachelor međunarodnih finansija	1
Profesor tjelesnog odgoja i sporta	3

4. Potrebna dokumentacija za učešće u Programu:

- a) zahtjev za sufinansiranje obavljanja volonterskog staža boraca i članova njihovih porodica sa VSS, koji se nalaze na Konačnoj listi kandidata Ministarstva, uz **obrazac** “potrebe za volonterima” za koje se podnosi zahtjev (forma zahtjeva i obrasca dostupna je u nadležnim biroima za zapošljavanje JU Službi za zapošljavanje Tuzlanskog kantona (u daljem tekstu: Služba), na web stranici Službe, www.szztk.ba, i na web stranici Vlade Tuzlanskog kantona, www.vladatk.kim.ba.
- b) broj računa u poslovnoj banci na koji će se sredstva doznačiti i

- c) posljednja specifikacija o isplaćenim plaćama - osim za organe državne službe i javne ustanove.

Poslodavci koji nemaju zaposlenika prijavljenih na jedinstveni porezni sistem, te poslodavci koji svojom djelatnošću nisu u mogućnosti osigurati volonteru sticanje radnog iskustva, potrebnog za rad na određenim radnim mjestima njihove stručne spreme ili za polaganje stručnog ispita, ne mogu učestvovati u ovom Programu.

5. Prioritet kod odobravanja sredstava

Kod odobravanja sredstava, namijenjenih za sufinansiranje volonterskog staža osoba iz ciljne grupe, ukoliko potražnja poslodavaca bude veća za određena zanimanja, nego što ima osoba na listi za tim zanimanjem, prioritet će imati poslodavci koje je i sam kandidat prethodno prihvatio.

6. Način isplate sredstava

Služba će poslodavcima isplatu sredstava vršiti, nakon zaključivanja ugovora i dostavljanja ostale dokumentacije (ugovor zaključen između poslodavca i volonera i izjave volonera da je upoznat sa uvjetima programa) sukcesivno, u mjesečnim ratama od 356,50 KM, po osobi, bruto, u trajanju do 12 mjeseci (na rok utvrđen u Konačnoj listi kandidata za obavljanje volonterskog staža), uz obavezu poslodavca da volonteru isplati u neto iznos, za svaki mjesec 200,00 KM kao naknadu za ishranu i prevoz, a preostali iznos 156,50 KM na ime plaćanja obaveza za zdravstveno osiguranje (30,00 KM) i plaćanje doprinosa osiguranja za slučaj povrede na radu ili profesionalne bolesti u visini 35% od najniže plaće (126,50 KM).

Poslodavac je u obavezi pravdati dobijena sredstva svakog mjeseca.

7. Prava i obaveze

Prava i obaveze između Službe i poslodavca, regulisaće se međusobnim ugovorom, u skladu sa Programom i javnim pozivom.

8. Prijava na javni poziv

Prijave sa potrebnom dokumentacijom, dostavljaju se neposredno ili preporučeno poštom, sa naznakom „Prijava na javni poziv za učešće u IV Programu sufinansiranja obavljanja volonterskog staža boraca i članova njihovih porodica”, birou za zapošljavanje prema sjedištu poslodavca ili Službi za zapošljavanje Tuzlanskog kantona, Bosne Srebrene broj: 31., 75000 Tuzla.

Rok za podnošenje prijave je 15 dana od dana objavljivanja javnog poziva u sredstvima javnog informiranja.

Obrasci za apliciranje za učešće u IV Programu, dostupni su na zvaničnoj web stranici Vlade Tuzlanskog kantona, www.vladatk.kim.ba, u nadležnim općinskim biroima za zapošljavanje i Službi i na web stranici Službe, www.szztk.ba.

Prijave sa nekompletnom dokumentacijom, neće se uzeti u razmatranje.

Ministarstvo za boračka pitanja Tuzlanskog kantona